

集部

欽定四庫全書等等

詳校官中書臣羅錦森

謄録貢生 臣李函圖

侍讀臣孫球覆勘 校對官中書臣葉 炎 總校官原任中九臣王燕緒

欽定四庫全書 文飞日·西·人 芳谷集 提要 教授又為江西儒學提舉當奉使安南歷聘 志友德與人芳谷其别號也至元中官隆與 臣等謹案芳谷集二卷元徐明善撰明善字 江淅湖廣三省考試拔黄溍於落卷中盖亦 時以文學知名之士豫章人物志頗載其 芳谷集 集部五 别集類五 元

金少四月月月 家而亦不及此集盖其流傳已勘矣集中有 恭錯不合近時顧嗣立選元詩蒐採至數百 官制三看乃語命代言之詞明善未當官翰 性理而平易樸實大致雅潔猶為不失先民 文無詩亦無前後序文凡一百二十篇頗談 事跡而不言有所著文集又稱為都陽人頗 吳公墓銘一首全供又平章董士選三代贈 矩獲者其汪標墓銘一首已缺河南產訪使

政定四事全書 芳谷集者因見有明善之名遂不加考枝而 馬乾隆四十三年五月恭校上 誤收入之者今特加刑削而併為訂正於此 選三制其文與此正同乃元明善作此必編 林不當有此文考蘇天爵元文類載有董士 **N** 岩谷集 總 總養官紀的臣陸錫熊孫士毅 官臣陸 費

					自
					5
		i			自りい人ノニ
					日戲
			,		
					_

定四車全馬 了などのではない。 THE PARTY AND THE 芳谷集 相關者定非精於性命者 水不但得於城受之初而 以考一身休咎往往十 非以是為不足信也 徐明善 撰 . : ._ .

於子子曰子游奚病夫士不得兼善久矣方今富貴者 矣君将假是以游而不能不以醇儒莊士羞稱為病診 漢有唐子産者明易詩書春秋而尤好星占其原深遠 能精旴江唐君號庭竹士之業旣精而窺步九精蓋後 貴居易以俟命也近歲科廢士賣率假是以游往往不 分以告之使一一安之若命而人人皆君子矣窮不獨 不可得若此者滔滔也未有深明其故者君儻推其定 不奪不屬或卒以賈禍拜塵及手者皇皇然所親或卒

若夫蓬蒿環堵之中有匡坐而弦曳縱而歌者君不必 善君殆庶幾而君奚病君曰是則然矣彼若信不及奈 進君之說懼能病君自失而走但記姓名還以告我 言志志帥氣姑即四詩而論其志氣則采薇出車量敵 慮勝者也其氣和以平小我無衣無懼者也其氣剛以 軍旅有詩尚矣風有小戎無衣雅有采機出車是也詩 次色 马直 江西 何予曰信不及彼終必病之非君病也姑以誠告可也 從軍詩序 芳谷集

大勢之所趨可知矣曩時東南士我冠緩帶軍旅事一 決和平者其漸微弱剛決者其完盛殭誦其詩而天下 也剛決者不足進也方今聖朝偃兵尚文比隆三代将 功名隨世而就若君者偉矣雖然清廟我将和平之積 地氣自北而南抑氣機之觸有不自知其然而然者哉 銳解發必往無懼卓然特異於寬柔之殭夫不祖於習! 付老兵久矣不復有横槊之賦余讀羅達泉從軍詩芒 不拘於地者豈非負過人之才者哉先民有言天下治

遺墨散落收拾未盡爾比來豫章聞見台州文墨一一 禁正則稱黃台州詩詞高妙之語非子耕所能乃魯直 次足り自己は 信如水心言恨生晚不及拜之一日孟博黄君過余形 雞之雄也問之則溶翁六世諸孫而台州之曽孫於是 以鳴國家之盛此一時也詩云詩云從軍云乎 不復煩君以軍旅之事矣余謂君宜抑剛決而進和平 臞而神壮氣和而志肅其詩清麗道切其結字翹陳家 送黄孟博序 芳谷集

宣以以子耕文墨散落未盡者疑吾孟博哉君不遠数 肯如此其念祖之勤何如夫如是雖謂子耕今存可也 亦疑非孟博能此乃子耕遺墨散落收拾未盡爾且祖 父之望子孫豈不欲其克肖而往往不能肖者何也詩 也語翁蘇從也台州從朱文公游在高弟子之目其學 文獻泯落斬涕出悲之斯念也詩與字之工固其麤迹 千里來省丘墓悵然有及築桑梓之志語及萱竹荒凉 云無念爾祖不能肖者不知念爾今孟博心聲心畫酷

金ケビを白書

半當解組即往拜墓下沂明月酌雙井東望候君君尚 余家東湖公君家自出自忠愍而上丘墓故相鄰余秋 粹矣君念之久矣君返松陽寓所有日來别且徵言蓋 た日の早上与 需役由奉命者挾威濟欲所至侵暴民大懼復然往往 甲弓矢無敢不善於時東南自曩歲征日本交趾疲於 至元二十九年春上将征海南島夷命行省具舟楫戈 及從余於彼乎豈其使余獨也乎 送李尚書序通 芳谷集

金人口人一一 重足惴不自保而尚書李公寔來温恵謹潔不亟不徐 夫使曩者奉命者其意愿該施與公不異安得東南兆 三月悉具樣檢完堅犀鐵精良軍無之與人乃大悅嗟 庶瘡稻至今未合哉易旣濟曰高宗伐思方三年克之| 用所長不殭所不習時其飲食而巡督之民忘其勞未 君子乎聖主於是有合既濟之義美公之來也嗣軍旅 小人勿用如公者不惟不侵暴之猶恐傷之斯不謂之 凡取之民者戒郡縣即予直材隨所産不責以無有工

其長宗濂希庾不私毫栗凡經訓傳記上下累千年曾 事宜不遑俎豆而朔風夙駕頻宫展敬禮殿進止不失 諸生服公徳美為歌詩以送之而郡文學徐明善為之 出平素而非茍然異於挾私濟欲者之為也故事還都 尺度對諸生誾誾觀公之志尚如此又知躬行君子亶 ·友臨川周君自昭父曾懐灑落與之處者怨欲自消 周自昭文集序德老

たこりうこう

芳谷集

歌得失不異其規矩絕墨不犯斯足尚也若君文是也 馥映照迎将初無異親而賞趣自不可盡也唐人謂心 新美渾然使讀者如步春風閱韶景桃李之艷蔥蘭之 共吟事予哦阻未就而君詩成大好大縣不為奇險而 蟠不可量数為文如殿至霰集下筆不能自休閒與予 一近比以文鳴者往往浮險荡謫後進靡然尚之蓋人心 正之文必君子能之爾其義趣氣和其趨個不差其憂 正則筆正豈獨筆哉言者心之聲也聲者言之行也雅

一多分四月全書

重而君之心予知之風也世有不求同俗求同理者讀 之變有足骸者豈文當爾耶子文不逮君序不足增文 且評馬子言豈虚也哉 者求自試不為過今都陽教諭李君學富行修詞翰人 者在守先聖之道模範後學比於他官無所屈志故賢 章南逢掖之士仕州若縣者得行其志鮮馬獨官於學 次正の事 と島 九賞重余命季弟受學如大匠之於木立就絕墨知其一 送李君序英 芳谷集

李公檄教諭鄱陽以歸夫學富者不獨善其身行脩者 於教事最習也今年余客金陵君不遠千里來會提舉 金に人でるるか 學官率以自名寄不滿之意余意不然夫已人之師也 詩餞之君徵余言男自杜子美有廣文官冷之句後之 必兼淑其鄉守先聖之道模範後學衆咸推君宜為歌 絕之用飯疏飲水陋卷單縣萬世之謨無以加馬則官 聖賢已之師也孔孟憲言無富貴之澤典謨大訓非温 冷宜然自名以寄其不滿者非也今之為學官者其教

勝故以前說進風奚必舞雩有芝山之高浴奚必沂水 舍舟如學康罄如懼君習聞官冷之說而未果肥於義 たこう主へ上 有鄱川之潔雲移花落妙寄悠然春煦物茁冷復何有 不能植其志有所撓往往不堪其冷而然或謂都陽學 以知志行矣勉旃 余他時が流而返接都之士可以知模範望君眉睫可 南粤去京師萬里風氣異中州故仕者頼不樂往以余 送王廷瑞序 芳谷集

最窮蛇鱷暴横同吾胞與無所困極士大夫安得恝然 一觀之出而仕者豈為身謀哉去天既遠雨露偏枯宅土 喜色余送遠官多矣未見如君者此不待下車運籌帷 於此皆曰吾不樂遠宦将如遠民何意必有官數十里 人及其僚佐而王君廷瑞以廉能選為憲幕長余約同 係錢君先往問行期君據巨艦於然雖童推皆躍躍有 聖朝一視同仁加恵遠方四壮咨詢接於卉服慎簡使 外如出户庭知有生民之休戚不計一身之便否者矣

一動定四库全書

アアドロヤヤサ 武余又聞南粵雖號僻遠然食有海之百物果有焦為 是耶乃序以送君以賀專人 **責行邛那九折坂叱其駁曰驅之君之慷慨此行不猶** 海以惠遠民山君川后效祥致福夫何患之有昔王子 之屬異香奇并甲於中州居者不覺其恆况君意輕嶺 輕出教條而南學之民悦極而舞如在目中王君賢矣 天地恒而已矣四時日月終古不息何恒如之故人有 送李德隆食湖北憲司事序 芳谷集

一姦完日速由文王作罰刑茲無赦又曰無或刑人殺人 然則諸侯果何據平蓋有天下者慎罰敬刑播告之修 官稱雖新風采猶故何哉余讀書見武王語孟侯冠攘 恤民為萬億年永命之本匪徒新其官稱也然人直謂 天吏乎聖朝地跨四海官倍前古慮郡縣不恒牧而賊 恒心官有恒守不可失也一失其恒為巫醫且不可况 類皆如此决非使諸侯犯罰刑也聖明在上其揆一西 不恒廉而墨則改立肅政廉訪司以糾治之所以欽天

|今常為風憲人物稱首余方懷此一時也居是官者往 一時上赫然震怒斥曠敗汰罷軟豈曰或承之羞云矣哉 已矣由此觀之居是官者償時斯義易恒心失恒守異 沛然以為得時者不可以無忌憚矣公嗜吟多快句乃 往仍前懦戢新猛口非我也安得心恒心守恒守者振 疾汙出乎天性剪荆棘搏虎兕視之無難故自筮仕至 今儉司恒莊李公必不然公清作玉雪明侔水鑑仇奸 而與之而公適被望書光華之遣自今以往貪吏點胥

200 Dual Lithin

芳谷集

得見有恒者斯可矣今幸得見之雖不幸繼令不得親 今按行騷國洞庭九奏沅澧泉芳將悉付筆下然不為 本気でをといって 尤以為榮為歌詩以錢而屬子曰子宜序余聞之孔子 遷情其去至於遂南陔戒養之喜無四牡將父之歎人 復自晦於文酒間也公在臺幕接倚以為重故皆榮其 而吳之深幸聖朝克用常人而湖北之民被有恒之福 公願之者欲人知朝廷清明賢使者得以展竭材力不

宿駕在泮母岸秀整如雞草鶴甚異之往時郡博士與 苦若徑去其交疎矣然洪士議於校者調君清如出一 至元庚寅余教授洪都顯之趙君亦來長郡幕朔望必 及己の国とは 郡官僚數往來為綢繆余最簡出未當諸君君過余啜 其去者不獨余也將行徵言余謂經紀政令歷閱簡書君 執法以君風裁絕出剡上為浙東憲幕長華其遷而惜 口故知君之深無過余者明年乃同樣行臺又明年中 送趙顯之序 芳谷集

之職然爾夫洪都仰觀省閣廉車號為繁劇而君獨甚 不見なりたと言言 宜其官清之不可已也如是乃令據一道之上游出令 清最諸道民曰使者使者曰元僚實善助我不休哉余 浪之奔鯨驅塞道之長豺固有持神斧者異時海右澄 辨無過而激也無不及而同也惟其是而已若夫截濁 而鮮所受令佩素清以往豈不刀游餘地也哉幕中之 豫章城書眼逢君百倍明憲府已依新核重籌惟長説 言如此則又為詩四韻以倡凡錢君者詩曰三年檀冷

學道則爱人今之學道者不多見則溺於利欲而不知 天下者一邑之積邑有仁令天下之平不難也今之為 看白石相煩洞裏約初平住分寧故云華 舊僚清蒼官挺挺烏同集碧宇追追點獨横我合故山 人之當愛又何足異哉至元甲子子為吏行臺可行李 令者往往以民為勢而達其自以民為發而飽其家爾 不爾者十無一二馬何獨無不忍人之心邪子曰君子 送李可行光澤縣尹序

Cal Qual Ai dia

芳谷集

夫為幸在於學道愛人君講習風矣必與今之為令者 者子爱敬馬又明年扶满今閩之光澤行有日求贈言 為君自此雨屐夜燈相從以講切為事非他人口耳云 思之書研朱自勘而已予歎異之因論添養省察之要 君實先子言寡而當於理公退唯子朱子集註孔孟曾 |異視民如身恐其傷不以為勢視民如家恐其匮不以 也子何言哉雖然學不可以已爱人仁之一事非復其 為發政平訟理光澤為治邑放之他邑而準天下可平

次足四重全書 初之天而全體不息者未仁也涵養省察須臾有間而 今之吏所尚者材也明法律銛刀筆鋭於事而給於言 爾 仕自此始予懼君信斯言而學有須臾之間故瀆告云 於得人爵而棄天爵云爾其言有弊不可不察也君之 已任之尤重也君勉平哉子夏曰仕而優則學此姑愈 仁或幾乎息矣然則君有人民社稷之重未若仁以為 送别劉正卿序

者所謂材也然余求之古設官分職以為民極府史胥 徒在馬極者標準之名也民望以取正者也則古之吏 子有恒飢凄凉之色而不以遡人其臨事從容反覆必 古之吏不可見不恨矣君溫良清慎余當請君見其稱 又未必專以村選矣古之吏不可見若余友劉君正卿 凡官長所欲為如手足之奉腹心不待發聲徵色若此 則異乎今之吏也異乎今必同乎古故予獲交劉君雖 叶理應法而後止其與人交未 當一失聲氣然為和非

次定四重全事 平天下者又深取之豈不深切著明也哉然則如君者 言如此夫子序書而進之典談訓語之末他時傅大學 有容此材德之辨也夫以小戎無衣好戰用兵之俗宜 遣不終日硯席蕭然人或慰君賢勞則倪顏微笑示不 而嘗若不給異時他樣謁告君兼二文書填委披繹決 為比也君之德可尚如此余與君聯曹案贖視君為簡 其所尚者村爾及穆公一旦為子孫黎民長遠慮則其 足說然則君之材亦不可及矣秦誓截截論言與休休 芳谷集 +=

金グレム ノニュ 以之綱紀風憲貪污之所以革以之布宣德澤困窮之 陸沈平哉余知君最深而懼人之知君淺也故序以驗 所以蘇信可以為民極也曾謂聖代而使休休有容者 必隱者然後能博出處君子之大端經著其義史錄其 自墳典丘索以來世益遠書益夥任者雖欲博不暇也 好徳者因以識別 論世尚友得任與隱之權度馬非時冒進者書有不 書隱詩集序

村者欲求一語近似不可得通野無間然矣或曰身將 灑落曠遠有物外之適讀之使人意消彼戰蝸角官蟻 之號書隱宣的然哉君又以書之青華芳潤釀而為詩 博爾必博者然後能隱隱而書愈博博而隱愈確萬君 隱馬用文之萬君書隱而詩鳴何如余曰子推之隱也 Total Privat Les Shilos 一者疾愈傳者紙貴非隐之疵也昔人謂皇甫諡書淫當 [熊想夫古之求仁得仁者而永言馬雖聲滿江湖使讀 有怨馬怨而文宜不可萬君動天機之和鳴獨善之樂 芳谷集

金になりたという 世吾方於萬君有望不特貴其詩而已 魏晉問終身不仕所著帝王世紀高士傅等書並重於

送劉季和序

古者師不往教今往教矣唯童子未能從師於遠則就 親者師督之今之弟子不越鄉而得師則無久去其親 而教之雖不概於古尚宜於令也古之弟子有久不省

者獨循陵之念為師者自不能忘則反為官守所拘莫

遂也然則往教殆不可哉余鄉校有小學官為置師而

劉李和實來居數月一旦親甚戚叩之曰唯親之思也 也心為嚴師其此之謂乎且庭聞之念人心天命之正 越月告行期口必親之省也非有督之者也督之者心 也拘攣於官守者遏其命之正也今季和躍然於此可 識知行並進駕說無益今觀於此然後余之言可出也 與入德矣季和當從余問中庸大古余謂此在深體默 Ch. Dual Lithin 一偏推而致之以造其極是亦聖人之誠已且舜武王周 |中庸口其次致曲曲能有誠先儒謂從其善端發見之 芳谷集

而弗進也干能萬善日亹亹馬而不敢已此中庸之肯 也果能此道則生君之前者且將以君為師有講習之 公之孝根於天命之性者與季和豈有異乎天不異而 說有例自遠來之樂其視效一官招諸生不猶外物也 班史志陰陽二十一家三百六十九篇而談天行所著 人殊何尤君勉矣母足乎一善而弗擴也母安乎一能 送傅啟心序

於武四車全書 長若行者是已余里傅君改心儒家流也聖朝方選士 能割而傅之也周末學廢不復取士獨孔孟與其徒不 所宜與所忌畏者達之天下昔者非現偉奇伦之士不 之士方幽稿白屋而君行即待部金馬門君真奇偉之 一為郡縣學官然爭進者彌衆君度在儒伍中未即滿志 以窮塞易意講學自若降是則往往棄去為諸家相雄 乃博習陰陽之書郡舉之部使者加察詳馬中其科里 芳谷保

百有五篇然則推序五德考定正朔明國之所尚民之

フゴグロム |子言如此客有笑於側者曰木哉子之言也昔天以良| 士子哉異時志陰陽家君當前列矣君將北上來徵言 夢查則初養集賢公是已君其宗英又將繼起今子不 注航在乃後人宴能以神靈震動中外徑取穹顯復如 上令東維箕尾有星眼眼尚勢報植鰭之狀也其精氣 以瀛州平步為君願而以稷下高談為君疑彼稷下又 獨奪商傳注有言自天而降他時又遺世不死麗乎天 何足以稱揚哉子亞起謝客曰非所及乃并著客之言 12:17

其文既使人視若兼金萬益之重餘事清吟快句揮灑 景定元祐間雲心龍山兩張公出取科第如彗沢畫塗 翁誤比南容辱收愚陋則雲心翁沒已久而其家如坡 迅逸爭傳寶之余方童子恨不望塵而拜也殿後龍山 沙巴四車全書 林下每與君共誦山谷贈張燻箕帚白頭之句未當不 顏之有小坡則養晦是已日月幾何雲龍俱遠余獨處 敝帚詩集序 芳谷集

一云者物無不敗而帚之散散於灑掃也詩曰風與夜寐 其詩超而不甲無華腴之習故其詩潔而不塵自科輟 卷疾讀則又清風脱至鼻觀深省蓋君有亢與之韻故 凄然也君以其蘭晚敝帚集示余徵言余於君蓋如久 金いないたとうで 與蘭居穆然俱化視前後序者發揚蹈属不一乃復引 街散帚為千金者然余嘗釋敝帚之義蓋不止如該所 辟易吟社抄傳紙價不知增幾金則君詩真千金矣豈 以來攻律絕者遙出君才豪思熟筆陣獨掃後出往往

此則本原之地日新無窮而君之詩益超益潔矣使雨 掃然隨塵隨掃必敞吾帚可也新若手未觸奚可哉知 士推此義以弱已而以聖賢貫道之器內以治心若灑 灑掃庭內尚其散也又口用灑弗掃譏不散也吾黨之 分濃塵登天分撫基昔之滋蘭九晚者如是是以為君 大下日日上日十二 芳谷集 魯衛多君子互鄉難與言以地論人由來遠矣王勃謂 願之云 送萬伯亨郴州教授序

金发也是人 南調教授柳州以歸余又益喜夫洪去柳遠常調而且 如龍溪萬伯亨甫者蓋彬彬馬信乎靈傑也余索居林 洪都地靈人傑余昔恭都授見其俊秀林立溫文重厚 為又言金銀丹乳橘柚竹箭千章之名材不能獨當奇 遠余益喜何也梆之為州目黎當稱其山奇變其水清 撫馬癸卯冬來京師避近伯亨甫余喜可知明年伯亨 下七年朝想其人上下其議論江山悠阻一俛仰如再 也其清淑之氣磅礴鬱積必有題奇忠信才德之民生

當傳規矩吾當施其或傳而莫吾受施而莫吾承皆難 往教雖有魯衛不得擇而處也乃今其師洪都也其徒 與言之比雖地近其又足喜耶且古者師不往教今命 知伯亨甫之不戚戚於柳也教授官卑而任重統緒吾 其間由是觀之其人地豈下洪都哉以余之不忘洪都 伯亨甫之往也将寄吾目馬童冠追隨選幽勝搜偉怪 年余輔使者之安南舟過柳口恨不得窮其州之觀今 柳也其傳易受其施易承吾為伯亨甫喜而豈徒哉往 次尼日日日日 芳谷集

東南涵濡聖化三十年美科輟士散賴命教猶古窮鄉 願如柳子厚記其山之最者錄以貽我 送黄伯善序

新例年五十五以下者不得為州若府教授余為無然

吾後其聞道也亦先乎吾吾師道也壁來京師或告曰

稱弟子韓子有言生乎吾前其聞道也固先乎吾生乎

後生雲變舍是無與言仁義云爾余里居時必詣都授

陋問有不怠士之業者必之都授者講馬蓋前輩星稀

吾者吾不得而師之矣可恨也德無常師而曰常於老 學非利達媒也別令崇校命教其曰年未五十五未得 者也余語以所恨伯善莞爾言曰吾與子皆無庸恨也 伯善來别將歸括着問故則年四十七而未得為都授 講於都授者當亦不少豈不與余同其恨也越日黃君 也東南數十州之士年與余相若者不少不忍怠業而 何也余今年五十五自兹以往生乎吾後而聞道先乎 方周末學廢不復取士然孔孟與其徒弦歌未當絕音

次已日年在書

芳谷集

當在弟子列者其人有幾且孔孟曾思以來周程張朱 五与中人 と言 子之書具在求之有餘師而子奚恨也余方欲寬伯善 也夫子不云乎學也禄在其中矣又今年少為都授君 教授此謂之姑徐徐云爾吾以其間益懋吾學是吾得 特以已之謙蓋人也必不然矣余益有恨矣姑次第其 伯善既善自寬又求寬余兹非所謂聞道先乎吾者邪 非所當從而師之者邪然則謂余不當在弟子之列者

次正四百 全十一 芳谷集 薦并引不待淹久而脫短褐服青紫也雙井黃景章太 家雞其字不遠數千里游中州士大夫之間吾意其交 中州士大夫文章翰墨頗宗蘇黃蓋唐有李杜宋有二 謂予家先公東湖先生太史之自出扣寓所徵言南歸 史之後也為詩累百餘篇皆有家法字翩翩久當逼真 况其子孫自科廢以來是家不絕如縷乃有鳳毛其文 公道筆快句雄文高節今古罕儷宗之宜矣愛人及木 送黃景章序

一告太史初為葉縣尉有詩云俗學近知回首晚病身全 學教授荆公於太史非有雅故也令以荆公况士大夫 覺折腰難時荆公當國或傳之公公於然除南京國子 問其遇合何如曰故吾爾噫豈不命也未必若是恝也 問其來幾時回久矣問其謁中州名士賢大夫曰編矣 必曰爾何曾比於是然荆公此舉鮮克舉之何也君歸 矣在已者可必在人者不可必文章翰墨必求如太史 在已者也或欣然或恝然在人者也别太史忠信孝友

塵雙井清風孰為可樂君歸深求其本則人爵其猶外 所以為文章翰墨之本君尤宜風夜繼承者也九衢黃 |之矣今姚君照微以蜀産選主雲夢教事可喜也初揚 芳潔又獨擅於楚令當觀子虚夸雲夢之事欲一至其 自古名人間出震動四方莫盛於蜀而騷賦雄麗被服 次定四車全書 图 處攬拾餘芳燻有行吟澤畔者可與傾盖而衰晚既後 送姚照微雲夢教諭序 芳谷集

學必知致而格物未易盡道非小成而希聖未易言良 畔牢愁諸作皆疑屈原是為用楚變蜀者君儻有意乎 雄文以相如為式後怪屈原文過相如乃有反騷廣騷 予遲君矣然君職教事教不止此余遲君亦不止此且 易曰麗澤兄君子以朋友講習予故曰於教事最切也 朋畏友叩質觀摩潤賴相因精蘊庶乎並詣也彼索居 八卦之兒澤也合之曰雲夢者易六十四卦之麗澤也 君亦知夢雲象教事最切否何則析之曰雲曰夢者易

感從習者其以子言質馬 之雲夢孰得孰失予故願君觀象於雲夢而已矣講詳 次里四車全世司 芳谷集 士學孔子者也然聖人言近旨遠行中庸人鮮能非有 僅足者猶潢行之豬風日守之塵埃生馬視八九百里 之材可同日語矣予遲君者在此君家有名父乃予所 不足以淫吾道德性命之粹雲夢将珠四如矣非楚蜀 而習久知致而道成則悲憤感激之思浮夸說異之文 學古文會規約序 二十二

1皆畔於聖人而朱子所斥者旣陷溺不自拔而該訾以 先覺之士講求指示之則雖願學孔子有未易者若子 盖之此果何理哉進賢龔君幼文獨不然昔之士也大 朱子則講求之精而指示之切者也士不當瞿聃其學一 學語孟子中庸詩易儀禮凡未子所講求指示者旣盡 則自朱氏而學孔子宜無間然矣自至元庚寅至大德 以為詩鈞棘以為文貪奇以為行放心便已以為學是 乙巳予於江西凡再至何今之士異乎皆之士也浮艷

でいり 100 ノントラー 我告之曰爾盖望朱子之潘而遽云云爾嘗試與於斯 唯心專目在奉以周旋知是理之當然責吾身以必然 克治之方既詳於朱子之書矣君與同志日以是為學 約及其門升其堂徐入其室則實貨之藏金石之奏莞 過予曰願得一言以勉同志予謂講習討論之要省察 經諸子諸史凡所以致吾之知者一日袖其所為規約 心其間而又思與其鄉奇特之士切磋究之次及乎產 而聖賢可幾也子奚言之贅然予甚憫夫訴訾者君為 芳谷集

一金 定四母全書 **雷詩不浮艷而工元氣淋漓星宿陳列文不钩棘而傳** 者易於擬拾爭慕趨之獨未子之學欲掇拾其皮膚了 |單之設珍鮮之具美富莫加受用不盡将無所容而家 莫大於治國平天下是之謂統緒非未子自為學以殭 無所得及夫洞膏肓徹腧隨之後則發舒中和吟弄光 也已蓋自漢唐以來文學之士表裏若一等是皮庸學 有隱然着生之望蓋學莫妙於治心學莫優於為已學 此猶餘事也用則不器有沛然及物之功不用則不戚

者勉也 身馬易六十四卦終於未濟旣濟而後未濟何也世故 為已私者也君子不為也故索言之亦以為畫而不進 涉世如川行身如舟是故戰戰兢兢如臨深淵君子終 而收酬酢萬變夕而計之無過不及蓋今日濟矣而來 無盡以身涉世亦無盡以一日而觀之雞鳴而興暮夜 人也而可輕議乎哉夫知而不以告告而不以實以學 ションコラ シエン 送堵濟川序 芳谷集

也受之以未濟物事物也蓋謂此也所謂行身如舟者 江西南學還臺來使告曰子不能言於吾行邪吾叙堵 不正載偏重雖欲濟得乎心猶杞也行事猶所載也心 日未也以來月來歲比來日皆然故聖人曰物不可窮 君之賢且文而止也必非堵君所望於予也果堵君不 之道盡此矣堵君濟川甚賢而文從管楊二御史巡治 不正事偏重失平然而涉世無患者未之有也蓋濟川 何也今夫舟視其於與其所載於正載得其平濟矣於 卷上

動分四母生書

子鹿坡之下疏線泉放於舟以為樂他日間有龍驤萬 川之所以濟否者序以贈之君勗乎哉予老美将歸休 以是望予而予又有以弱君可謂兩得之也乃推明夫 斛来長風破巨浪使良弼舟楫不得專美者必君也夫 大いとのはたいかり 裁肅然貪情落膽真御史也予歸休林下有年大徳し 元貞元二年子吏行臺始識王公仲温氷清而玉剛風 巴南以憲司掌故來江西而公亦以是年來長省幄客 送王仲温湖廣省郎中序 芳谷集

有過予者曰王公潔介絕俗剛直守法每獨行一意唯 金少口匠石雪 為同必不為標所守以為異将不安則公之久速與所 風憲可矣今為省元僚與宗臣近戚祭可否撓所守以 使私不病公情不傷法相臣之名美而政之出皆平王 屬吏民蒙恵澤與否未可知也久之則又過予曰王公 公之志伸而恵之施不難歲逢大機與發靡遲羸匹碩 不可及也行中書之務劇矣公正言婉導點贊顯拂能 肥流通自歸戢戈索弓姦完消伏爰自江介達於海陬

一守令吏民士大夫之賢惜公去皆愁騷失據如不終日 單行獨憩罔有休戒不休哉吳學之人相慶未始有也 大ビリーとは 倫以善調探諸侯世卿使無失政而爱直惠利治於國 忍其乃有濟昔誦而今見矣客出予欣然久之然未當 吾疇昔之言過矣孔子曰君子和而不同周書曰必有 以語公也明年聖書命公改佐湖廣省於是兩道師牧 人載在方冊後世時時謂不可及以王公能事觀之何 則容之言其弗信矣乎予觀於古晏平仲叔向子産之 芳な県

金万里五人丁里 者不學此久矣仁之事孰近曰醫最近然則以醫師理 民有瘦必有醫孰能醫之曰唯仁者能醫之然今之仕 不及之有哉乃序客語送公以賀判粤且願公施之朝 民可乎曰若周改徳行道藝漢舉孝庶對策由此選者 廷而天下與其賜也 有若魏雜用厮役為令宰則股民膏血使不即生固其 以素所講求為設施視民疾苦無不在已而何民瘼之 送醫教授方實惠序

一面也以醫師理民不猶愈哉今江浙行省以親民薦饒 誠當矣方君家故儒至君以親病故兼讀歧黃之書乃 又足り 日上日 之濱於死是懼推是心以理人於人必有所濟其舉也 民者悉出於德行道藝孝廉對策則行省之舉方君為 深入微與人謂君實恵君因以自號其智懷可以質神 州路醫教授方君方君之學在活人其措心積處唯人 不負所舉也必矣醫猶函人也若厮役則天人也使理 明比縣旁州之疾疾不之他醫皆之君惟恐失君也其 芳谷県

金気に正人って 者矣方君之之京師也人皆韙省府之舉能選部之防 過矣不盡然則進方君而班於令宰之間必有賢於彼 使 此而告之曰聖朝求民之瘼極矣豈有醫能治之而不 明且幸方君之實惠而今而後不止於刀圭七劑之近 貴德李君温栗如王進退成規矩言論随而文聖賢之 小也多為歌詩錢之來豫章更求贈言乃序其大縣如 送李貴德大庾縣教諭序明通

質也來豫章齊楊坐獨儉約檢束後進範之矣提學異 夫學以明道而學無遠自視聽言動勿非禮至動容周 賢子之職在教人以聖賢所講習者舍三先生何以哉 間南安治大庾即周子二程子講習地也子之質可聖 次正の事人はかり 旋中禮不外子一身文以載道而文無奇六經之作其 而舉之憲司試可省檄教大庾歸侍次過予徵言子生 人與其時爾陳也然推繹其書之言則猶之一人之言 何其祥家庭坐軻愈予将叩異間於子而予何言然予 芳谷集 · <u>元</u>

之徑尺之壁析而為博瓊十尋之棟断而為櫑具也可 無懼哉予於江西凡再至其士多以已所便為學以小 而已舍是無以助子矣質可以聖賢而學迷夫統緒猶 思盘背利欲之意突人人復望其眉睫而厭数之使罪 異為文三先生之道彼或敢訾畔其習之痼則器詳之 義禮之外觀者不足以畜徳小兒軍或嗜之終當待之 風牆雨壁敗醬之幂爾貴德思有以易其習慎勿為所 用於世十必八九敗矣至於藻繪鉤棘以為異者一皆

一次王四車 主事 芳谷集 者士之事必人人有士君子之行不可徒喜樂之而已 之為也然祠記有確論馬石令無悉貴德暇日摩洋讀 易可也音葉正則信三先生之道不及同時朱吕二公 之退又取三先生之書讀之他日教我以所自得者 多士給言誕敷士如墜顛崖得千丈麼如思重痼得萬 大徳丁未夏五聖天子嗣無疆大歷服推思八表爰及 金樂更生之賜也雖然貴肆其身者上之仁新美其習 送陳子實柳州教授序

身範人者而肝江陳君子實適被命教授柳州若子實 此則提學職教者所當汲汲也愚方歎教授鮮有能以 宣所謂新也子實行不愧古人其學博而深矣是行也 者其能作新必矣作新贵平實踐履實也講課虚也如 将據其所為積吾知其與不模不範者異也維柳以住 山水重音堂中伯修二陳公以直道正諫辱居之而山 人而除風雨苟其屋之材率中蠹内腐而徒丹獲其外 屋室馬棟梁榱桷一皆堅良而後赤白炳明則可以麻

金グロカルニ

次足四車公馬 芳谷集 人不輕去就如此君子哉聖朝奄甸東南江之西唯分 卒使之自下夫魯特以羽分地非有世德可懷也而魯 **昔漢定四海獨魯不下欲引天下兵屠之為其守禮義** 資華秩人為子實願之者不赘言馬 二公以不磨減豈不盛哉若夫教子俗革聲實流間清 講貫步趨使人有士君子之行則其流風遺思亦將配 水又以二公重今子實以平日知行之實與其州之士 寧州志序

寧不即下聖天子寬仁卒使之自下當時官吏頗追尤 金グロガノニー 請之也後即分寧為州不特置者以便民也州告為縣 其人豈識有天下者植天常而聖人一揆邪故初特置 互驗文不靡蔓質不豪略一州之史也於是上接孫吳 為州宜有志則奮為之首疆域記人物凡三十卷鈎参 有志志燬州人陳君孔哲念舊志其先世所撰也且今| 州二寧之上而民弗便者官吏構言令宰不足以鎮而 而善志専陳氏矣志成以書來曰使邦人考風俗企前

於定四車全書 襲其聲就一其趨向克其去就取舍之正而歸諸道徳 今觀之固已禁視流靡而厚於義矣州告為邑甚爾然 升寒暑代易比他州或少其生其間者氣質不盡同由 間也敢以序發請予聞分寧在太山長谷之中陰陽降 文章宗四海行義表當世忠節映千古志不一書州人 浴膏澤為今日周公伯禽之魯此邦家之光也明善其、 性命之統則身足以善風俗而風俗不得以病其身學 足以美世運而世運不得以移其學禮行之孫出之沐 芳谷集

先州人也嘉陳君載筆之勤而尤嘉其望州人之厚也 乃為序其端云

送黄君序

告前季和見黃叔度曰子吾之師表也時叔度年十四 已入師表之目子方版世無斯人而高安教諭黃君過

予顏邁粹温如犀株玉樹瑩絕塵土蓋寺簿公之孫治 山公之子文燈親傅書脉自春一旦試有司範後學子

敬爱之政如季和之見叔度也夫教諭云者非戴記所

多而天下受其賜彼講說之扶疎記問之誇街師道不 使人的的是也德喻於心事軟於身故師道立則善人 謂教以事而喻諸徳者乎謂之事者非空言也夫子無 與聖人之道並傳學者罕能治心養性知道德之要而 此手在彰彰明也漢承周衰及秦滅學之餘百氏雜家 所付畀增益之使自喻其所得而已孟子謂以其的的 行而不與二三子是也他者人之所得於天師非能有 叔度獨有得於此其言論風旨無所傳聞然能使恃才 钦定四車全書 芳谷集

更贈君 處順淵乎似道若及門於孔子殆庶幾乎此豪傑特起 傲世者勞於瞻忽志清當世者消其鄙谷史稱其情然 君之過予也不彼求贈言顧予言不足薦也君家所有 之士百世之師季和之稱豈虚也哉予是以為君願之 也春流八挺華映九州雕葩傳色錦重綺錯掇而視之 易坤為文而書云天命弗僭賢若草木草木麗乎坤者 疎齋盧公文後集序

福以疑穠灼曰理不若是弗思耳矣夫子之言文曰炳 哉涿郡疎齊盧公天才奇遠評古今文得失如金合範 無遺巧馬夫天命即理也斯文理之形者也或者執枯 孽未盡若有待也乃游心放目而盡得之故篇什九超 軍藻窮極絢聚而與化工作巧不失自然兹為妙美咨 次定四車全書 芳谷集 諏所至又詩城騷國江山澄麗蘭茝芳潔楚辭晉句領! 矢破的又絕識也凡為文盡棄古今拙陋之意雖抽英 曰蔚曰煩曰郁又曰言之無文行之不遠文不貴若平

弟嘉善得公近崇利為別集疇昔公嘗謂明善曰子知 佐理必能管聖代於唐漢之上以追煥郁之盛不但名 遊予不復辭蓋六合同軌既歷三紀東南士何可不北 至大庚戌卦直站之月丹泉葉君恵然谷中徵言将北 吾文馬得無一言乃識其大縣於集端云 一家言貴若於儒林文於而已也公文自為序而明善 一入翰林復擢外使逢衣之士咸謂宜在朝廷弘文 送禁士心序

之災矣夫有無妄之災亦有無妄之吉无妄曰无妄往 古則兹遊其可已乎直不疑長者也馬周王佐才也以 部使者援郭子儀例字君以君名子為說祝君志道在 其極則兹遊何可已也又有不可已者君曩年之宣城 淮故也君學既該治於數往知來仰觀俯察一皆務造 門逾河諸山疏其決復伏見脈絡面勢或不合行不踰 遊也予讀禹貢凡建炎後諸解者於河濟與夫積石龍 钦定四庫全書 芳谷集 思無邪君從祝規不忘方僕得與俄枉覆盆可謂無妄

之困有亨之者長材素履不可泯沒如此幹流而遷或 盗金無不疑則破吳楚之功不立矣以歲月資格待馬 **總抢其不在兹遊也哉豈但有得於山河之壯觀而已** 推而還屈伸之相代也遇合之不期也銷熄誣謾發揮 **哉太玄之遇以象姤也次五曰田遇禽人莫之禁測曰** 周則以明佐聖之美不彰矣在朝之毀有明之者逆於 止也君行矣以其時占之則可矣故以无妄之初九遇 田遇禽誠可勉也釋者謂猶士遇知已多得天禄無禁

之次五為君勉 野啸吟豪序

善嘯者莫若王世將倚花樓神氣甚逆則嘯故山房君 遊雲於太清集長風於萬里誦此則聞若可得而聞也 漢魏而晉人尤尚之發妙聲於丹唇激哀音於皓齒飄 山房王君吟成集題曰野啸夫啸著於詩於春秋戰國

芳谷集

卖

家曆也令而野也何居世將殺徵士皇南方回犯清議

味既屬慶至於炒響動林壑如數部鼓吹者暇日當箕 |其嘯則吟嘯兩得之斯稱其集之名矣集中多佳句諷 然嘯可野也王仲宣詩為剛後一大宗昔人稱為五言 有清拔氣評者謂原於仲宣山房君仲宣其詩而越石 冠見詩不可以野則各仲宣安做哉劉越石善嘯而詩 坐山房商略終古以請 飲明君郁文親喪未露語及輒潜然予家方左順右吟 送胡君序

難欲不鳴號於人不可得願重扳子一言僕有哀之者 次定四車全書 ~ 予辭再三而君弗舍則思夫凡民有喪匍匐救之此言 稱貸四出助之不能多也君重請曰親喪固所自盡然 動其推則先胞而後同與怨婦之詩流出天理曰凡民 而言則我於胡君豈不猶兄弟也哉乾坤以生物為心 不自孙釁即罰重天不須暇之連二歲失二親痛鉅力 人得乾坤此心以為心故惻隱之端在人均有而尤易 何謂也歧人我而言則我於胡君無與也於乾父坤母 芳谷集

堯夫是已放諸四海此心同此理同而逆謂未必有斯 者豈必鄉鄰但耳目所接救之不敢緩也若郭元振范 者是即郭范也已此乾父坤母厥初生民之本心仁人 有殺奚必錢四十萬麥五百斛凡有以将其惻隱之發 君子有戚戚馬若斧若堂雲横烟羅胡君得所欲也夫 九京有所感也夫仁人君子有今名也夫 人者則予不獨胡君之罪人也力有餘有不足與有豐 送馬貴權江州德化主簿序

見廉士罕見尤廉者則九罕故丞相馬公之猶子貴權 矯為廉以要人爵者且冒貨者有懲而倖爵者無沮彼 有所懲而不為此無所沮而不處也非廉之九而何吾 不冒貨廉也不倖爵九廉也今天下真廉固不少亦有 其冬郊太常揭姓名召執其事則君南歸久矣偉哉凡 君尤廉之一也至大庚戌君當州教授秩滿與君有雅 大正切巨人 為君名任太常寺太祝君不就遂調江州徳化簿以歸 故者適柄用欲擢君而忘君名之下一字則以上一字 芳谷集

一金グロルノニー 爵之倖者間君之風可以少愧矣且今之臨民者不徒 股民之膏以為發且處民之力以為梯君有倚雲之梯 交稱之凡居是官者所當師仰也元公率性備德康持 之民何其幸也君将之官不鄙徵言君度越如此而予 而不蹋其肯以民為梯乎不以為梯肯以為餐乎德化 今過義命捐廉耻冰須塵面伺候公卿之門皇皇然惟 十里元公初為分寧主簿有獄久不決一訊立辨衆口 何言雖然按志江州治德化而濂溪周元公故宅距城

尤廉矣居元公之官未遠元公之世而又近元公之居 其一爾故黃太史云溪名不足以對茂叔之美令君旣 當就勿解 為政精密嚴恕務盡道理亦景行之而已廬山雖高可 一千里民社之寄重矣經畫教令歷閱簡書所以佐夫任 金而齊濂溪雖清可澄而匹也他時金臂玉振一府皆 ACTOUR SILING 傾尾臣碩輔如日政獻趙清獻者薦之朝畀使者節君 送畢敬甫序 芳谷集

金少口近台雪 重德澤速於置郵列城皆然而天下治平矣其或作牧 之若父母也清映水雪明体水鹽也而慕僚又賢則九 者獨幕僚爾必幕僚賢也彼雖欲徇私病民也十事或 者徇私忘公利已病民民孰敢與争是非敢與爭是非 民社之寄者豈輕哉幸而司牧賢也民嚴之若師保懷 重歟若畢君敬甫來為饒慕長蓋饒民尤以為幸也君 阱捷如矣然則經歷之該擊政之藏 否民之休戚顧不 四五沮勿使下則民亦職有利哉否則淪胥以鋪千里

初其解然也無有不願其留惜其去者德與去府遠士 清絕請托明照盡弊較民一本東側三載未當少渝於 大三日日とは 飲恵於千里圖其專不圖其成予知其不可也他日士 如此佩盛美以往授官益崇庇民益廣而邑士民顧欲 主登庸賢輔将開平治必拔俊良敬甫官箴慕辯彰灼 畢構脩潔獨行治術為最天子有璽書袍帶之賜今聖 好是懿德敬甫所以感觸其性天者豈徒然哉唐史稱 民以事接於府者鮮而倦惓若此何與詩云民之秉奏 芳谷集

|來告曰民齊咨涕浸欲借留不可得也士則能為歌詩 道願留者之心而沒其思也詩既若干首矣子宜序年 金万里屋有量 予方休官絕內思與世外隱君子游而宗入文節奉檄 月日序 提領鷹房打捕之齊安求詩予不工詩則告之曰蘇文 忠公方山子傅云方山子光黃間隱人也前在岐下見 方山子從兩騎挾二矢鵲起於前使騎射之不獲方山 送徐文節鷹房提領之黃州序

齊安今無斯人不可也夫隱人不在城市在林藪君以 **蒐獨林數為職將必有所逢得若人馬肯從君游必能** 羣之態遂,实实在人目睫公又謂光黃間多異人往往 子怒馬獨出一發得之蘇公落筆如畫方山子豪特不 たこの目から 開君之見易君之識拓君之器而今所職掌不足以原 陽狂垢汙不可得而見傳末深致意爲何代不生才謂 之老我皇撫運聰明齊聖匹休姬文君儻見異人馬以 君矣子又間前代聖王不貴熊罷虎稅故田而載渭濱 芳谷集

一時君欲逃薦賢之賞不可得今所職掌必不足以麼君 金切口屋有量 者今夫跪遇獲禽者謂範我馳驅為迂不機縣題者又 矣予欽遲君故相語如此客有笑者曰子之言迂之甚 姓名獻比於獻珍禽奇獸以為恭敬者何刻相千萬他 巧文節以鷹房打捕為職子乃語以不彌毛羽彌人物 謂說遇獲禽為迁人欲無涯凡仕今世者往往個迁趨 况見異人不可必子之言迂之甚者予免而作仰而歎 曰詭遇獲禽吾不知不獵縣貆吾愈不知知而不告過

君儻見如方山子者出而就訂馬 世者之如此也容之言是則予言非矣雖然始筆以授 矣不知而不告吾過易辭也予体官絕內壹不知仕今 來為講明道義該也秦漢而下惟董子度越諸子正其 本有功義無不利然欲明正乎此乃謀計乎彼則人欲 誼不謀其利明其道不計其功兩語為後學法程夫道 钦定四車全書 山長董君将之齊山過子徵言夫齊山有長由前代以 送董師文山長之齊山序 野土

必尚忠孝又皆躬履乎是而非空言夫然故他日由學 静之間學問思辨之際院馬孳孳惟道誼之為務而通 為主天理為客久之壹是人欲而天理忘矣故日用動 校出者必正人脩士而功利自足以及物此今昔該長 塞得喪不入乎其心雖賢科方開程武之文必本仁義 之意君之任也按齊山或曰有十餘峯其高等故名或 曰以齊映故名映碌碌得君他時真復相乃掊斂以中 帝欲藩鎮進銀大瓶高不過五尺而映獨八尺其為謀

未暇乃以君家所有贈君贅也予寡陋故也雖然諸奉 次定四車全書 思 乎其類拔乎其萃由一人之人為億人之人兆人之人 齊等如是而止岱嵩衛華齊山莫與齊也人與山殊出 思齊矣君家有壽俊為道義表予欲效陳亢請其間而 計如此使山果以映名君見山如見映以之內自省可 也所思齊者其董子乎君為董子則為士者必見君而 在我而已秦漢而上孔子賢於堯舜誰謂聖遠厲其庶 而安敢以醇儒畫君哉 芳谷集

驗乎易曰天下文明又曰觀乎人文以化成天下所謂 金りで五人二 人而已以文粹比文鹽可見矣然則五星聚全無乃不 宋文章不及唐唐專門多宋惟六一南豐半山二蘇數 而聚然日用常行間所謂化成也周程繼孔孟朱子集 文者禮樂書詩易與夫記事之史是也明者人無不習 月宋之所以度越漢唐斷斷在此搞章繪句云乎哉善 大成聖經賢傳自漢以來穿鑿傅會為之一洗若揭日 祭洞先生文集序

論文者莫如南豐謂自唐虞以來至秦漢之際異人殊 | 欽定四庫全書 遂至於喪志此則建洛之所斥者吾鄉從考亭者三君 故無二也然則文明而天下化成者其不以此乎後之 世其文數萬而其所發明更相表裏猶一人之說理當 子而縣澗先生董公猶五章也其五世孫縣集公文二 作文者篇為新說說有新語然觀者不足以畜德習者 一人之說也三十年來新說新語益眾甚者武管建洛 十卷示子子受而讀之其所發明相表裏者揆未子猶 芳谷集 野田

學為何事學者於天下何補其個考亭甚矣豈聖天子 之命不患得而習之不既得而違之然後文明而化成 堂而入其室者此猶牖户也雖然知行盡其性得失付 表章之意哉既以語祭祭拱而請曰幸筆集端繼令讀 謂得成化之本矣公之文遂彰明於世乎欲升朱子之 天於聖明科舉用朱氏四書他經兼用伊川胡蔡氏可 斯集當益有味不獨樂也 可其也不然口耳以徵利達意趣不過符讀書城南則

奉祭氏書傳通釋其尤盡心者令子季真既走建陽刊 故鄉先生深山董公壮老的書筆者甚彩孝經註及九 送董季真入建刊祭氏書傳通釋序

孝經註小學快親矣他日復欲往刊書傳通釋過予徵

嬉敖深山獨兀兀風櫺雪案邊若無與於世者記意聖 言當深山者通釋時科舉未復士壮者遷業幼者東書 神首出文運不開命習書者用祭傳哉昔蜀山人知明 於定四車全書 · 芳谷集 日客來消息深山豈亦預知今日開文消息邪子方倦 學五

一書時有終謂際今日且後歲丁已又三歲庚申又三歲 亡无不利无初有終先庚三日後庚三日古无初謂者 異互兒離兒講習離文明傅習象也異九五曰貞吉悔 致譽吉矣盡互兒震兒金卦震木卦金從木錢梓象也 之遇盡三 三段上之異三三 異上幹父之盤用譽幹而 里徒手資諸人事未可知季真色不怕予曰盍筮之筮 筆墨坐客亦謂季真得意再往先民所慎子跋涉數百 一癸亥所謂先後庚者是三科四方學者吾邑友朋或季

先知之今易又告矣於是坐客相與臨策而歎咸曰亟 直必有資通釋取高科者蓋子之先君子究心此書若 往勿疑子乃録其辭為序 聖朝建學設科務得真儒臻善治上嘉虞周下随漢唐 不休哉干載一遇也如陽春布漢陰崖水谷該粒無不 たらりましたもの 省馬且階以學於國學行有日子重告曰四十年來人 送汪子中序 お谷集 四六

金灯口匠石雪 做桑梓棄糟糠若此者未出門而先疚於其心未報國 指金臺為速化地往往慕題柱棄編之為南級分寸則 決不類此予聞無為小人儒之謂真儒先自治而後治 而先害於其家也今子中之往将學於國學則其志念 所以教者予不敢職越而談然傳習居三省之一則弟 一二其敢曰真儒善治邪殿今命教胄子俱第一流人 子事也南軒子張子曰習之有斷絕者心有以害之也 人之謂善治物未格知未至人之所以為人者百未完

成日想慈聞之嗟季復解嚴侍以南征使邑人改視曰 者效先覺之所為以碩師而傳以心為嚴師而習庶乎 前代千里之生殺子奪繁乎守守據案操筆吏常雜立 祭而已子中勉旃 大正の時 八計 君子儒哉其於治人必有補矣子中學篇倫明業精行 心過難防一萌於中而習之功已不續矣旨哉言乎學 國學造士有如此者信可為後秀之準程豈止問里之 送董仲鎮序 方谷集 型

金分四屆全書 難哉天開聖明路府州縣秀才生員克吏此平治大機 擇官不擇吏不可官少而吏繁雖慎擇欲其盡才且良 掌手吏者官之臂指得良吏則力省而治最賢守令将 者之所告一旦出而佐賢守令之該施專處畢力蠲民 土田市井風俗利害非其少長之所聞則其鄉先生長 要也儒生顧惜終身畏法尚義受財鬻弑必大減少又 瘦之所急不待旁諏熟察 而後決那縣之治不猶運之 不敢視百里亦然故擇官而郡縣治今則官與吏參決

汲汲馬吾知秀才生員無留良矣吾邑仲鎮董君省檄 一求補吏者坐集上之人得無厭薄乎進退當何如子曰 樂石無缺如是者有年疾愈人謂孝感去年春邑經理 在路吏伍中予知其良也君有母末疾沈痼家貧甘旨 次足刀車 A 生 利非賢何哉君他美甚衆如復初卷書院養士田皆彰 官止今百姓自實供報夫事親孝見義勇為為一邑長 灼在人耳目者一日過子言曰僕雖在吏檄中然日間 田糧專官每弘加步七十君田糧最少控於朝廷差來 芳谷集

事其大夫之賢者况然上命而相助為理此亦君所宜 良吏乃賢守所汲汲也予固言之矣令郡侯之賢聞於 金万口五 人工 東南士民惟恐一日大用不得飲恵兹土子曰居是邦 汲汲也乃叙以送之從而歌之曰吾侯之公兮水鏡同 不往後將誰事兮水食萬製子慎必分風積霄轉子欽 今今子不往後將誰逢兮吾侯之偉兮顔范比兮今子 送李易仲石洞山長序

壺秋月瑩徹無瑕考亭從先生游自謂每一去復來則 者防得新貢士為之師師在温故知新不在記問予為 已易仲李君為石洞長將行徵言辭不獲則思石洞學 古贈言者躬行之助而非口說之諛後世蔚文新語而 易仲得標準馬豈無他人莫延平先生若也延平如氷 未當為講解文字其言曰讀書者知其所言莫非吾事 所得必益超絕知新之積成已裕人有如此者然延平 久正日日 山山 而即吾身以求之則凡聖賢所至而吾所未至者皆可 芳谷集 異

金分正五百十 在此後世儒者吹文義之毛而深功利之指天理其冠 勉而進也延平之所以為延平上承河洛下開考亭者 輔世長民則可筆傳之以譯眾取禁則不可雙拳先生 進一士業先四書自漢唐以來未有然為士者身優之以 愚為聖賢然口耳者猶之未照而此卒未能效天啓聖明 服人欲其聲囊者可與延平同日語子四書所以樂凡 云非是科舉累入自是人累科舉此一言可深省也條 不踐場屋今科舉先四書則士者不當自外場屋朱子

平可謂有其質者也肄與人同簡而行不與世俗同條 儒先之說以收科而異時賄政市獄無以異於刀筆之 學與眾同方而達必與聖賢同域凛水壺於塵窖皎秋 仕者豈惟累科舉且累四書美易仲粹整沈寫前瞻延 久足可自己的 牧養皆魁企譽赞其得意處落筆數百千言不休如河 月於暗室果能此道豈止於石洞有光而已 西洲胡君少有詩名東南長而中州鉅公如盧疎齊姚 西洲詩集序 芳谷集

金グロカノニ 也予當論詩自漢魏以降大抵沉浸乎山樞蟋蟀其托 有此君宜頡頑其間下視郊島寒滋跼步顧影不足道 決海運横放亡極惟盛唐時高適岑參諸人筆力閱婚 物引興以於長懷寄永慨皆祖離縣蓋變小雅之遺聲 有直體者或者及謂過為得則非矣又降而唐晚東字 五七而雕飾無遺巧於是楊柳依依之遺聲乃復盡散 若計奠定命遠猶辰告安石之志在廣哉熙熙中曲而 也謝安石階庭言詩遇舉楊柳依依以對而安石謂不

謝民亦有一言為文人無足觀矣未當不三復斯言以 何人不詩若以五七言珠穿綺簇莫能相尚獨西洲君 簡齊曾茶山振微引墜式克至於今日數十年來何地 **於定四車全書** 詩人名豈吾志哉予為竦然敬畏信君詩文之外所造 君别有根極他日君過予口僕嗜吟甚不可解於心然 推麗汪滿如千載一人歌庶幾廣哉熙氣象並時者 而雅幾乎絕賴唐杜氏韓氏詩行世不泯宋黃山谷陳 乃始辟易君自謂以選為骨而其高處若不相似予疑 芳谷集

宜夫金火剛而水木柔攪槍惡而景星善人禀得其偏 號宜庵何謂也湘甫曰僕釣簾坐肆客常滿各語以所 深矣如是則合志安石以邁刪前孰禦何但高岑之與 生既総人以其緊與多助矣湘甫復徵予言予謂湘甫 余湘甫星談而市 隱號宜庵今年将築宜庵端齊王先 而不能為則害於而身是故剛者語以宜柔柔者語以 余湘甫宜庵序

者宜静富宜勿飲犯貧宜勿過求子宜孝婦宜順兄弟 宜剛惡者語以宜善善者語以宜勿為柔善他皆類此 至若長民者宜恵愛執憲者宜明慎躁進者宜係狂馳 謂宜也若僕之所宜僕不自知也世非弓治工不可世 宜友僕驛星度命觀所禀受審所趨向奉奉語之此所 縣矣人比之倚市門秣驛底惡乎可是以在此不知宜 於定四車全書 否也予聞之竦然曰子之不知乃真知也古人誦往聖 不耒耜農不可家無十金之儲商又不可昔者當吏於 芳谷集

莫知居之子居甚宜又居人以所宜其號宜庵不亦宜 道術者不在朝廷必在上數之中此宋忠賈誼所以 之倡云 遇其人而忽然自失也天地曠曠物之熙熙或安或危 分り レススラ 乎人宜多助菜庵以居子子方宿春速役雖羞溢姑為 禮優隆因公告老賜白為氏自今至於永世自一身至 賜姓命氏其來自古平章白雲公才戲起卓聖天子養 白雲察罕平章賜白氏序

萬子孫的受寵錫河山帶礪苗裔永存不休哉此人臣 紹唯玉而已是故玉之貴舉世無以加君子於玉比德 予辭不獲命而繹夫子涅而不緇不曰白乎之指而言 非常之遇也中外名公卿大夫士詩而序之旣詳美愈 次定四車全書 世世不可涅緇也哉予聞公處通顯如章布一旦致為 事黎君介景君來言曰子名能文辭者此獨無言不可 馬乃令聖天子賜公白氏豈非以玉比徳而使其子孫 曰天下之物幹革羽毛絲縷未有涅而不緇者涅而不 至三

|必也絕武紹德清白以傳家精白以承君然後不負賜 也可謂榮且稱矣雖然此家法也自今以往子子孫孫 冊今白雲公清修同其退又同白傅不得專美其受氏 以流公者昔唐白太傅清修忠諒為元和名臣光耀簡 臣而歸凌雲抱月遺埃榼之溷濁舉凡天下之污無足 玉之白則白斯下矣由是觀之公之受氏可謂祭且稱 氏之意不墜受氏之美一或涅緇則非白玉之白非白 而公之子孫可不勉軟黎君要子言夫言不足以神世

教雖工無益故云爾然揚聖天子不顯体命以勉其子 成敗著龜有不及蓋易卦深幾兆芒微不若孔亨之言 字筆部乃類某字滋也由是古山成敗出馬數也又六 孫者亦豈非公之志也乎 新安吳君孔亨以相字名江西四十年定猶豫決吉山 沙里四草 全事 有數人作一字象也有所關不成某字有所增可成某 明白而易知也夫物生而後有象象而後有滋滋而後 贈又元吳君序 芳谷集

書有指事有會意有假借此字問某事指事也視其缺 有写いると言い 爛然天書在諸字之右子語孔亨此字敢相不孔亨曰 過程邈王次仲字泰漢以下字爾若籀文若科斗若鳥 與其可增會意也筆訛因假借矣予觀孔亨相字大要 子前所言得吾相字之麤爾世間萬法不出陰陽五行 跡不知何以相之厥今綸結楊廷符印它官白麻黃牒 不外此但孔亨聰悟絕人鋒銛機熟人不及也然此不 以字畫求之從則上陽而下陰衡則左陽而右陰方平

次定四車在事 ~ 若鳥跡皆可而此何不可所不可者一代聖作絕出古 火來客有歐隅日辰有休王吾以此相之若額若科斗 為土曲直為木流動為水横斜而銳者金上騰而銳者 號君又玄由今觀之楊子雲識奇字比麥陰陽六甲故 今草茅賤士訾相之則罪也予答然愧君言疎齊盧公 支孔亨相古今字究測陰陽五行故又玄 疎齊真知孔 者哉君徴言因書以贈 送劉君序 芳谷集

|宜就舉圖襲世美生居行將馬從敢決於先生子口試 劉君自謙之子埜踵門言曰家君官後湖海命埜守問 世誦聖猗歟盛哉丁已秋武士如制士歡於距躍上饒 聖天子開億載太平設科蒐真儒與善治六合詠仁萬 起者哉世科宜繼世德宜懋世業宜修德懋業修科未 士詔書也子又重以母命子之母其間陶孟之風而與 今者母命之曰汝曽祖擢上第汝祖預鄉貢世為儒家 有不可繼者子之母其屬子也不淺矣予聞子之家在

一然也數十年鬱而未洩安知收科策名不在子子往勿 大父大父收科策名雖其材越軼傳類亦其地靈發洩 長川大谷之中英秀清淑之氣磅礴鬱積異甚子之曾 疑往而捷明年對天庭分天職予之告子又當有進乎 曾坐講下故為歌詩餞君俾子序所以洪惟聖朝興學 於定四車全書 禮存董君教授廣信儒學君先為初庵書院長邑人士 送董禮存信州儒學教授詩序 方谷集

|授受必原昔日雲谷所講明木鐸載揚如久閉之雷坯 家宗老縣澗先生類悟海然最為高弟君今日泮醫所 崇化思得真儒致善治匹休三代賢科先子朱子四書 道至隆也昔子朱子倡道南方難疑答問具集中唯君 者之不敢忽以正身也未及正人也然卒之身正而人 封皆驚久旱之霖焦卷皆祭此予所以為廣信之士喜 也别君號禮存禮安所存豈不在視聽言動間乎夫四 莫不從者蓋天理人心之所同有倡之斯應道之斯行

矣此子所以九為廣信之士喜也然禮存有要道子未 次足四車 全事 之此子朱子之學所以晦而聖道之所以不明不行也 來贈言者例尚奇新語若此者指為陳言腐說更訴訾 之域旨哉言乎此非禮之所由以存者乎此君家宗老 聖賢端的要妙工夫只於此著實用工不患不入聖賢 子答樂澗書有曰敬之一字近方見得伊洛拈出真是 孰知陳言之為精義腐說之有妙味故雖君家所有而 親傳第一義君應為學者言予不應為君言然四十年 芳谷集

樂將自此不厭而非徒喜也廣信號英俊所聚義理之 於君之家傳當有不符節而合者則君之喜又當倍於 予放更贈馬庶幾廣信之士知精義妙味之可喜則說 濱必有樂統緒之學而人不及知者儻首為君一出其 朱子門人陳君文蔚高弟徐巖巉絕之境鵝湖清幽之 宅紹與大魁汪公則子朱子畏友紹定大魁徐公又子 聖明之思治切矣教授之官守治矣尚勉旃哉詩凡若 廣信之士之喜也嗚呼真儒善治非口耳筆舌可及也

書之君最為雪樓程公所賞識然遂轉於廣右海南北 干首是為序 **廬陵彭皆春純明篤實君子也扁其齊曰寓橘齋史公** 送彭皆春序

邕管兩江之間得一冷官如獲石田令又萍寄豫章将 こくこうこ しは 在宇宙間皆寓也而彭祖乃以久特間人暫而彭祖久 終身寓邪名之不可茍也其有今日宜也予曰不然人 歸廬陵上章貢靡騁靡定而冉冉老矣客或笑曰君寧 芳谷集 委

一金丘四库全書 三月不違所以存此也而身則寄於陋卷原憲克伐怨 君之寓不有羡於此哉今之靳君者豈不以軒冕之來 之晚乎夫軒見外物之寓乎身也者其來不可却其去 也何也心為郭郭而性寓其中所謂天爵良貴也顏子 三號者曾是足以為祭乎人有至祭者寓而人弗之省 不可止不我寓而殭求之於是有負無而致寇錫帶而 一當軒見而日月千古其紫無以加馬又安知皆春之寓 欲不行懼其泊此也而身則托之環堵二人者終身未

之名齊豈不兩得之也容語塞乃次其語客者為序 於心日問主人翁在不此往聖來哲之望而區區為皆 並建漢擇年十八以上者克博士弟子唐州縣學限年 春願之者也異時行方如愚之回壽若久特之祖則君 十四以上十九以下而小學無閒宋三舍法行而小學 大王 りましたまつ 芳谷集 一下庠夏東西序段左右學周東膠厚庠皆大小學 贈徐義翁北行序

不有美於此哉形寓於宇宙流行坎止委順而已性寓

臺勉勵做古八歲入小學十五入大學皆訓導之自皇 慶以來東南學校誦弦聲風動雷隱矣不休哉然勞倍 猿如馭奔驥稍縱則敗羣地類有矣其視唐宋倚席者 徒說說而已視其眉睫而開其鴻鵠将至之心如羈騰 則功倍勞半則功半逸則罔功者唯今之訓導為然不 訓導滿三歲與正長旣不果行省擬與諭録又不亟嗟 唯評其詞藝之高下其優劇相去不亦遠哉初外臺擬 皆肆簡家塾而已皇元與學崇化西漢唐追三代外

授霑斗食之禄則慷慨欲北行或曰今朝廷方重名爵 一職龍興路學訓導滿三歲弟子以蒙入者以聰出以鈍 一夫倡而不和教而不行未必不由此也此提學者之憂 |義翁之行遇合未可知爾子獨以為不然夫器王者純 入者以銳出其功如此其勞可知矣乃不得被半紙之 者止於梓匠則路人知其不與不免於壓路人則毀瓦 於玉則硌知其賤不免於用硌則山石皆待沽矣食功 而予末如之何也已予所不得已於言者臨川徐義翁 次定四車全書 一个 芳谷集

金がせ人と 必不然明矣其用義翁必矣雖欲勿用珩璜琚瑪尋引 者不用義翁將器暗而食路人乎非所以重名爵也其 規矩其舍諸延祐已未三月甲申 畫場皆求能矣令義翁其材玉也其功梓匠也任選舉 **邦九折坂歎曰奉先人遗體奈何數垂此險竟以病去** 廉訪使即漢刺史職也漢王陽為益州刺史行部至邛 及王尊為刺史至坂叱其馭曰驅之王陽為孝子王尊 送鄭大使之廣東序

· 取者少官更積玩亦子或為龍她朝廷乃命河南行 均雨露之偏枯易其荒陋納諸良馴此誠南男大幸也 其職業無爱且勤之心由是民俗日益荒陋倘有賢剌 身可哉予所為評其是不者方今庾嶺南談者以為偏 為忠臣予以為叱取是也王陽既為刺史將指行部謀 於定四車全書 史如王尊者忘其身不怠其職為朝廷剪地鱷之暴横 且遠風氣異中州仕者不欲往往者又欲不久居故於 予耳目所接者廣東廉訪使者如王陽以病去者多而 芳谷集

省左右司郎中鄭公為使甦息存全之唯公慷慨直前 焦花有素馨山丹其人少爭訟喜游樂使者無以南粤 言風氣與中州亦不甚異食有海之百物果有丹荔黃 不以偏且遠為疑也夫其恭上命如此軫遠民如此祝 融海岩效祥介祉必矣而何火堆炎嶠之足憂哉或又 江廣地方數千里出鎮者貴戚近臣政令惟元僚得可 視之則嘉政美俗與江東西閩浙不異自公此行始矣 送張伯高郎中紹與路總管序

否之至於和如鹽梅諧如宫商相臣之名美而遠通迓 於道意後世未必有繼之者來江西時得伯高張公公 元の見ないる 持平守正審情切事中於時病合於人心子非殭附之 國語見鄭公孫僑凡貴卿顯諸侯獨能開導調揉使底 古人盖令人既弗及矣雖然言出而人乎者必行乎於]名之難伯高從事斯語蓋久毫饋縷謁揮斥户外以故 人者也公孫僑曰君子長國家者非無賄之患而無令 芳谷集

一金分四月五十 上而敬下而順雖有抵牾卒皆信從若此豈易能哉異 時雅容廊廟計奠定命遠猶辰告吾知齊賢士遜軍不 一子謂人之戀公者猶負暄者之戀冬日也方場谷初升 照則向之私其與者亦無不被馬江廣會稽猶牆舍畔 光景下燭則牆隈含畔有私其燠者條然正中遐遍畢 大惠今施於一州令其去矣胡不為留似為今日發然 民愁處失據而相臣九戀惜之昌黎送陸歙州曰欽此 足為伯高匹也公被聖書牧會稽行有日兩道官吏士

六合八荒同此美曝而安用齊咨涕洟為哉公之行也 庫笥而不貯之虚靈之府神明之舍故書自書人自人 梓刻日傳萬紙書不少而聖賢少夫何故收書者貯之 俱士為歌詩以著去思而謂某曰予盍序其所以不得 也冬日之愛既先曝而美矣他日公訏謨廊廟尚得與 三代而上書不多而聖賢多三代而下六經諸子百家 陳文穆收堂序

火火工四事 红生习 一 芳谷集

|尊翁扁堂曰收而又以名君之子於是江東西名人勝 子グロインニー 宣欺我哉中庸論學而知之者以博學為先則書非兼 士題辭賦詩美之甚衆復扳予言予謂書載聖賢之言 後嗣子孫決科預薦世為清門收書益富陳君文穆之 此大患也饒康山陳氏宋初獻書一監賜號清白處士 行為多孟子曰誦堯之言行堯之行是堯而已矣此言 圖書十志五十七類而其所以訓子孫者曰汝曹善承 收不可以為行為要則徒收爲乎可予當恆李淑邯鄲

之君子而可以勢與賄還奪其書者不飭之以其本而 |寫及此此以三代人物期陳君父子也豈不得其所欲 之世守之母為勢奪母為賄遷噫豈有博學萬行明疆 **飲定四庫全書** 也夫豈以予言為厲已也夫 直有味子老矣不喜為無益之言因君板子言不覺傾 為求書考亭回緊要書能消得幾卷何必役於物此言 調考亭問所為來回象山書院陸先生不曾藏書此來! 防其末如李氏之云書直玩物爾嗚呼怯矣昔彭世目 公里

瓘以彈祭京間指佞觸邪一姓擅之為宇宙瑞物盛哉 若稽古漢陳咸以劾石顯聞唐陳公以斥盧祀聞宋陳 察院從事六察之柄得玉雪其躬者佐持之斯宜稱矣 潔而材敏達從事湖南北江西憲治風軌卓然選陟為 任風憲者可不企齊而况有為之後乎陳君質夫行介 江南自孫吳來中間自為國前後垂五百年其材非不 多然齊世小康亦無幾爾豈物衆地大平治之不易哉 送陳質夫察院書吏序

若重名爵澄吏籍令人耳目蘇醒質夫此時執簡此筆 送之而虚卷端以告之曰子宜序予知質夫久雅欲薦 復瑩中三君子有光必矣君行有日學校朋游為歌詩 之縣服也積日月属操行一旦有官守言責於子康慶 於定四車全書 一 來冠多無聽極天下選人謂獨橫秋鳳鳴陽凡所建明 以先後之如王良造父駕輕車就夷途而飛黄騕褭為 可知也江南之望平治者獨將盼馬於此又可知也年 聖朝奄甸東南分三行省而一行臺董正之其嚴且重

談調笑之甚也予於江西凡三至既此久美若寬居先 言尚無理以本之欲其不朽得乎先生之文族朔旣録 生之文雅麗光潔激昂曲折理未嘗不旦其問蓋卓然 組繡以為工者未若四十年來說經及理對棘斷續罵 辭所以析理解修而理明是以謂之文也後乃有追琢 獨異於並時名能文者之文也夫萬形皆有弊而况空 君家所有以為祝規不復辭 分りを上と言い 寬居胡先生文集序

傅之其外孫羅君板予題解予謂不求人知而求天知 思喜拙統緒在馬先生賦之此天理融一之驗謂斯集 聖天子設科擢用海內孝弟忠信文學之士歲戊午康 不長留儒林文苑余弗信也 不求同俗而求同理此先生四十年超然異於人者如 大臣の自己山 不以廷對入官為榮雖尉簿凡刺牧無不與為禮惠利 ·李君察然中其科調撫州崇仁丞蓋自漢至唐宋無 送李粲然崇仁丞序 芳谷集

一金グログスニーモ 肆之安而踐乎拘迫之地若此者其足以為崇邪雖然 於已乃今一旦去士君子之林而夷於府史之間捨自 空之其身事涉與利除害官長泊典家贖者輕能拂亂 足以及民禄足以逮事育故祭也今頒禄不如古往往 體膚無不有矣方李君未收科時館粥之養魚放之祭 吾所欲為雖苦心志無益他日以事請府吏摩以肩不 可無外求味先聖之遺言探六藝之微古有以足其樂 顧揖庭立與府史無辨督賦役懼失期會則勞筋骨餓

身雖空乏而毫饋縷謁絕之益嚴與利除害彼雖拂亂 此孟子所謂增益其所不能而異時勝大任者也子夏 たこうき シエー 屬以也夫市獄賄政猾泥揚波四目四聰電視霆怒故 使失期會夫如是則崇雖不足籍而辱旣遠矣天理不 吾所為吾終不相與得罪於民寧勞筋骨餓體膚而不 後及其餘予願君暫息乎其已能者而勤乎及之職業 曰仕而優則學先儒謂當其事者必先有以盡其事而 可泯公論未當暗錐類呈露聲實流聞而大任於君乎

芳谷集

金分四母全世 李素立蒙高祖恩顧特異有司擬雅州司户帝曰要而 該官取士為營生一洗之李君可不飲承乎哉唐備吏 邑教諭方山方君専席五年偶予入湖北憲幕校文江 侯此循吏大任之踵武今日之不足於祭者安知異時 西繼又提舉江西儒學未當得從容接緒言也子方致 不赫赫於天下後世子 不清改擬秘書郎帝曰清而不要乃授侍御史後竟封 送方方山教諭序

邑學尤冷惟講學為宜書言惟數學半子不知君自程 其事而歸則代君者至而君且調選去美廣文官冷而 可知矣君去此必為正長古者任而學學而仕相為無 督何如然望眉睫比五年前益和粹寫實且教鄉邑甚 たこり三したう 博士非有獄訟求情察解之勞可以大肆其力於學學 立人達人學即仕也尊美屏惡仕即學也由正長至郡 不易能使雅人勝友爭為詩以惜其去則講習之相悅 窮其學也非章句誦說之謂其仕也非富貴利達之謂 芳谷集

也告乾淳間方公松卿由教授越州後累乗麾節葉水 却補州佐史三年未當華楚塵埃問非康勤疇克爾州 董仲鎮初奉省機補府住吏也予序贈之詳馬不意小 難質於君而質君之進也 心稱其博於儒而以吏得民此仕學兩進之模楷方山 君尚企齊哉異時再望眉睫尚得以學古之疑仕今之 進矣仕未進猶進也仕進矣學之進者未至馬猶未進 重贈董仲鎮序

金分口月全書

言真有味也予評仲鎮孝似召南不謀利似仲舒殭直 利博而人莫之先豈同折枝為長者以不為為難乎此 予尚惜其論未大也茍温飽則不戚戚矣豈下求其上 東俱以介潔材賢稱又可謂賢賢也昌黎謂下不求其 乃復舉之府斯舉也可謂不散賢州名人勝士詩引荀 之志哉獨范史贊王龔能推士曰士進則世收其器賢 らこうら しこう 上上不顧其下故高材多戚戚之窮盛位無赫赫之光 人獻其能能獻既已厚其功器收亦理兼天下其 芳谷集

· 龔為汝南太守好才爱士首舉黃叔度陳仲舉表奉高 該曰試其文未試其行今歷試而無不可的的美按王 太守失於舉用當是時殆同於折枝而不為也然猶可 新好四母全書 特為仲鎮斯一顧也仲鎮將需次於府與客訪予林下 獨叔度不屈仲舉後至公輔汝南亦司空太尉以功名 似宣能計策似的能獻替似允不特府佐史之器也前 終盛位有赫赫之光莫汝南最故併為今太守願之不 将筆此重贈客曰仲鎮文儒令秋賦在即子不作之使

|題有言山澤不必有異士異士不必在山澤武之場屋 取 鶏書乃赞之使參鶩行子何說以解聚惑邪子曰王 吏可不視其僚自受爵之日為學製之始比於試官府 數刻之試而自中未當有一日效官之備也改體部於 者言也試之官府者事也風夜之學疇昔之志傾寫於 一次足の車在世ョ 者固若駕輕車馳康莊矣禮曰儒以道得民要在均之 而文翁朱邑皆郡太守史後世豈有優劣之者哉容語 以道得民爾班史傳循吏六人難遂召信臣明經甲科 芳谷集

金万里五人 **飲為江左名城汪氏為歙甲族宋炎紹問汪氏秉鈞持** 塞因並若語客者為贈云 科第而弗克顯融融在子簪父子不疑也君來長初庵 磅礴鬱積鍾毓如此汪君子磐先大父高文寥學於拾 樞者接武盛哉蓋黃山秀奇甲天下其靈異英特之氣 送汪子磐山長序

書院凡七年齊楊坐獨單食縣飲晏如為文務去陳言

幼書劇嘴炙模模範範學者無間言一旦代者至由是而

之本禮樂刑政之經觀其會通所以仕也及其仕也非 たこり 日本 得之也遂以為既足而不復知古者之仕而學或知學 宜所以學也若夫學馬而以入仕固今日所不免惟其 富貴利達而已去就進退之節經綸參贊之業時措從 官吏部由是而第奉常盖七年者其學之歲月而自今 矣而所學又非古人之所謂學是以植立之果成就之 两輪不容缺一方其學也非章句誦說而已修齊治平 日已往皆任之歲月也雖然古之學而任任而學如車 芳谷集

雖不可必第一等人在我而已學而仕仕而學古之學 能詩站繹古人學而仕仕而學之旨以致切偲之助儻 也邑名人勝士爭為歌詩寓懷賢惜别之意而予拙不 者何為古之仕者何施在予磐加之意而已君之解組 也然則振起山川之消歇張皇級冕之缺絕第一等爵 **陋雖貴窮人爵而不足以副蒼生之望厭士大夫之心** 所至其可量也哉 不以陳言視之又以其任之歲月為學之歲月則君之

金分口四全書

太原族譜序

晋子宗然之後也其後僑居江左族尤碩蕃令譜斷自 飲來德與者為始祖而繁之太原者著始祖之所自出 周姬之後皆有王氏而鄉那太原之王則周靈王太子 太原族譜者王君聚翁所作也王以爵為氏虞為殷子

宗法她猶賴譜可以收族也人之言曰宗法她故族不

可收以予觀之所謂弛者特無采地之入以世世合食

次足刀車 在書

芳な集

놀

也禮曰尊祖故敬宗敬宗故收族古有大宗以收族今

序的移而已其黑邦來從居者即所謂别子為祖者也 金元人口是白雪 一宗子所謂百世不遷之宗也或宗子而無子則族人當 其長子則繼别為宗者也長子之長子世世承之所謂 觀之斯祭也族人皆不可不與不可作於豺獭也莫若 子沒則族人皆為齊衰三月如古禮可也其始來此邦 擇近屬的移相應者不論貧富以之承宗而共宗之宗 之祖伊川程子則以立春祭之必宗子而後得祭以子 三月上旬盆日即墓而祭族人畢集因序的穆或宗子

とこうしここう 當然矣此大不可也譜引又曰唐長史味道刺眉州卒 斯言也兒童熟諸其口往往視族人無服者若塗人為 塗人也又申之回至於塗人者勢也勢吾無如之何也 既遠則不必有小宗四也予平生最病蘇明允族譜引 之力弗及則族人協力具饌而宗子主之胙必均於貧 斬衰而盡於總麻今之五服之內是也蓋去始祖世數 不能具者如此亦足以尊祖敬宗收族矣若小宗則自 曰無服則親盡親盡則情盡情盡則喜不慶憂不弔則 お谷集

聚軒君修譜體道君胎書以序引屬予其惇族厚俗之 曾不思此所謂别子為祖子孫百世承之今不特祭不 官一子留眉眉之有蘇氏自此始而譜不及者親盡也 之微古為能蛇俗學而探聖傳文獻相承至今弗墜故 禮傳家可齊公又參扣未日二公遂悟未子全盡心體 知也欲植宗法在舉而措之爾王氏自鹿鳴先生以詩 盡於始祖乎今太原族譜出蘇譜遠甚其大宗可考而 行而譜且不及可乎民吾同胞情可盡於族人乎親可

多安匹庫全書

一尚有望也不欲以無益之言塞請乃揆夫尊祖敬宗收 憂學而不知道者且不免而况流俗之蚩蚩乎風雨如 意亹亹不能自己可謂賢也已嗟夫如蠻如髦我是用! 風而與起者哉人人親其親長其長子因王君於斯世 族可行於今者而併著蘇氏之失使覽者得詳馬其於 晦難鳴不已二王君可謂豪傑猶與者豈無聞王君之 於定四事全書 一 惇族厚俗或小補云 信州路邁珠總管刊陳古靈論俗文序 芳谷集, 茜

肆情恣欲失其恒性則是天形我以人而我物之也人 無以異於物則民奏大民亂矣帝興王起設官以為民 人之有生雖與物同而四端萬善根於心則與物異或 及陷於罪則稽法律以治之豈所謂以人治人者哉廣 則刑不用也世遠官偷牧民者惟簿書期會以為大故 道各具其人之身故曰君子以人治人改而止者教行 極政欲使斯民率人之道而異於物爾然所以為人之 信總管開齋公慨然念奏倫之戰不可不叙舊俗之汙

成朱文公守漳州當利此以諭其州民簡齊公系出高 人其言反復諄悉可謂得新民美俗之機要矣給熙庚 たピロ目八十二 其上與仁與讓從今日月其矣豈但簡齊公匹休未夫 若徐斯遠韓仲止趙昌又其人令幸得賢師帥警教於 饒號稱賢俊所聚義禮之宅扶植遺緒為後生法豈無 昌地相遠世相後行乎東南若合符節先儒謂四海之 不可不新取古靈陳公諭俗文暢聞而警教之以人治 遠此心同此理同千古聖賢未嘗異者豈不信哉矧上 芳谷集

|實謠來暮而歌去思渠渠娓娓謂君不負丞至元以來 金欠巴屋有量 子於此邦有無窮之間無疆之教思而已哉 |至治以孔曾思孟暢闡堯舜禹授受心法俾大漠流沙 未有也恭惟聖天子越度百王合德堯舜思得真儒臻 之外皆得通習而舉任之自有載籍以來未有予恭校 幼元彭君丞德與清標出俗能幹絕羣邑人士揚推美 文無幾得不負天子不負所學者今幼元不負丞非不 送彭幼元贊府序

書行必當理然後涉筆署苟不當署吏睨曰當署幼元 · 員天子不負所學不能也予評幼元不負还在斯立木 一次正四車全事 一 芳谷集 其所學醇正淵浩故其正已格君謀國用人如發教倉 斯立未免負及自謂不負故度越之易也陸敬與不負 一鞭之矣斯立一蹋敝跡日哦二松問直尸素爾雖然在 免負丞何故幼元任理與長官爭可否棘棘不茍同文 者胡致堂推為洙泗之徒真西山斷其有宰相之學惟 所學誠不負故企齊之不易也唐賢宰相多美獨敬與

瑣哉此不負所學之大端也不負所學斯不負天子矣 之以虎兕而色不變而沉宫室妻妾所識窮乏者之損 者為政之本吾知有理而已壓之以丘山而身不屈戰 四十年來東南士或消聲林鼓或未忘爵禄然材學兼 下與成一邑位雖不同而理同窮理者為學之要任理 企齊之不易而向往步趨之不置豈有不及者哉相天 以賙貧之如決江河以灌下濕沛然無不足也幼元知 没者亦無有幾人故東南之人望日以輕子甚病之全

次足四重 白雪 |曾南豐言南越偏且遠與中國通已千餘年而風俗尚 容無以教之故以尤欽遲者勉馬尚不使予為空言也 幸科目搜真儒使得敬與一二輩則科目重人望丘山 東南增氣矣故凡以科第奮者予同一欽遲而九在幼 陋益吏者莫致其治教之意此論誠然然以予評之豈 元也幼元之解組也旣過予别他日以書來曰先生不 送徐方塘上林簿尉序 芳谷集

有水鑑者溢以御史擇人而授命既下則給驛以遣此 皇元在旬東南五嶺南無復遷謫往者三歲則擇智中 獨吏之非賢哉自唐以來猶未免鄙夷其地守令以遷 無憂且勤之心所以入中國千數百年而其俗尚陋也 視情分之昵疎而賢不或不暇擇故居官者大率茍且 甚而不皆二公也非遷謫往者則東西二大府自辟除 謫往者十六七幸而得韓退之柳子厚則陽山柳州幸 事度越百王聖人能以天下為一家皇元無間然矣延

賢用則行先民老益壮公兼有之昌黎所謂真知輕重 大丈夫者公其人矣聖朝所以化民善俗者得公真不 命下汎然不為喜聞宿南風土之異漠然不以為憂聖 尉上林公學選材高幾於君子之不器而不得實用間 一祐已未外銓而同姓叔父方塘公以欽州教授轉而簿 者皆為歌詩錢行而明善猥不能詩故為之序以賀越一 年之表在公此行斯越人之幸也夫公之行恒所往來 負也然則為越人洗其陋俗而同於領北其事出千餘 たとり目という 芳谷集

金牙巴屋有雪里

المستندي والجام وسييد المعاملين